

立法通史

企

瀟灑

成

文

法

法治通史

立法部

吳縣曹恭翊滌新編纂

成文法

第一篇 國法

第一章

周官法度與法美憲法之比較

第一節

國會

史 通 治 法

(1)

鄉大夫以鄉射之禮五物詢衆庶。一曰和二曰容三曰主皮四曰知容五曰興舞。元謂和載六德容包六行也。主皮和容興舞則六藝之射與禮樂與。當射之時民必觀焉。因詢之也。

正歲令羣吏攷法于司徒以退。各憲之于其所治。大詢于衆庶。各帥其鄉之衆寡而致焉。鄭司農云。大詢于衆庶。洪範所謂謀及庶民。

小司寇之職。掌外朝之政。以致萬民而詢焉。一曰詢際危。二曰詢國遷。其位王。

南向。三公及州長百姓北面。羣臣西面。羣吏東面。小司寇擯以叙進而問焉。以衆輔志而弊謀。

以三刺斷民獄訟之中。一曰詵羣臣。二曰詵羣吏。三曰訊萬民。聽德之所刺宥。以施上服下服之刑。

按泰西紀元前九百年。當中國東周初。雅典王德修設元老院。開民會。事必經民會議定。始行。日本變法初。始置公議所。旋改爲集議院。後又設元老院。凡除舊布新。上不敢獨斷。必付院議行。下有所陳。亦由院議達。情達法行。此東西各國所以富強也。鄉大夫小司寇。詢衆庶。詢萬民。即具此意。國會爲共和基礎。吾國二千年前。已發其端。至訟獄詢及萬民。即美國國會。尙規定不准通過剝人權議案。亦可見周代民權之重矣。

第二節 責任內閣

太宰之職。掌建邦之六典。以佐治邦國。一曰治典。以經邦國。以治官府。以紀萬

民。二曰教典。以安邦國。以教官府。以擾也安萬民。三曰禮典。以和邦國。以統百官。以諧萬民。四曰政典。以平邦國。以正百官。以均萬民。五曰刑典。以詰邦國。以刑百官。以糾萬民。六曰事典。以富邦國。以任百官。以生萬民。以八法治官府。一曰官屬。以舉邦治。二曰官職。以辨邦治。三曰官聯。以會官治。四曰官常。以聽官治。五曰官成。以經邦治。六曰官法。以正邦治。七曰官刑。以糾邦治。八曰官計。以弊邦治。

太史掌建邦之六典。以逆邦國之治。掌法以逆官府之治。掌則以逆都鄙之治。以典則亦法也。逆迎也。六典八法八則。冢宰所建。以治百官。太史又建焉。以迎而受其治也。

凡辨法者攷焉。不信者刑之。謂邦國官府都鄙。以法爭訟來正之者。凡邦國都鄙。及萬民之有約劑者。藏焉。以貳六官。六官之所登。約劑。要盟之載辭。及券書也。貳。猶副也。藏法與約劑之書。以爲六官之副。其有後事。六官又

成文法 第一篇 國法 第一章 周官法度與法美憲法之比較

登焉。

若劑約亂則辟法。不信者刑之。謂抵冒盟誓者。辟法者。考按讀其然否。

內史掌執國法及國令之貳。以攷政事。以逆會計。掌叙事之法。受納訪。以詔聽

治。凡命諸侯及孤卿大夫。則策命之。凡四方之事書。內史讀之。制祿則贊爲之。

以方出之。以方版書而出之。賞賜亦如之。內史掌書命。遂貳之。

外史掌書外令。掌四方之志。掌三皇五帝之書。掌書名于四方。若以書使于四

方。則書其令。

御史掌邦國都鄙及萬民之治令。以贊冢宰。凡治者受法令焉。掌贊書。鄭司農讀爲掌

贊書數書數者經禮三百曲禮三千法度皆在於此凡數從政者。

按美國國務卿職務。第四條。管理舊條約及立新條約。即外史贊冢宰。掌

四方之志之義。第五條。管政府文書。即太史貳冢宰藏約劑之義。第六條

發布命令及告示。即內史掌內令。外史掌外令。以贊冢宰之義。中外治法。

相距數千載。職掌竟相契合。而美國國務卿之權。遠不及周官之冢宰。則以美國責任元首。不責任內閣。故內閣無權。元首有權。然則周官冢宰得統正百官。其猶責任內閣之意歟。

第三節 立法

太宰。正月之吉。始和。布治于邦國都鄙。乃縣治象之法于象魏。使萬民觀治象。挾日而斂之。太宰以正月朔日。布治事於天下。至正歲。又書而縣于象魏。振木鐸。以徇之。使萬民觀焉。小宰亦帥其屬而往。皆所以重治法也。挾日十日。宰夫正歲。帥治官之屬。而觀治象之法。徇以木鐸。曰。不用法者。國有常刑。古者將有新令。必奮木鐸。以警衆。使明聽也。文事奮木鐸。武事奮金鐸。大司徒。正月之吉。始和。布教于邦國都鄙。乃縣教象之法于象魏。使萬民觀教象。挾日而斂之。乃施教法于邦國都鄙。使之各以教其所治民。司徒以布五教。至正歲。又書教法而縣焉。

小司徒令羣吏正要會而致事。正歲則帥其屬而觀教法之象。徇以木鐸曰：不用法者，國有常刑。令羣吏憲禁令，修法糾職，以待邦治。

大司馬正月之吉始和，布政于邦國都鄙，乃縣政象之法于象魏，使萬民觀政象，挾日而斂之。

大司寇正月之吉始和，布刑于邦國都鄙，乃縣刑象之法于象魏，使萬民觀刑象，挾日而斂之。

小司寇正歲帥其屬而觀刑象，令以木鐸曰：不用法者，國有常刑。令羣士乃宣布於四方，憲刑禁。

士師之職，掌國之五禁之法：二曰官禁，三曰國禁，四曰野禁，五曰軍禁，皆以木鐸徇之，書而縣於門閭。古之禁書亡矣，官府有無故擅入城門，有離載下帷野有田律，軍有囂譴夜行之禁，其猶可言者。

布憲，掌憲邦之刑禁。正月之吉，執旌節以宣布於四方，而憲邦之刑禁，以詰四

方邦國及其都鄙達於四海。司寇正月布刑於天下。正歲又縣其書於象魏。布憲於司寇布刑。則以旌節出宣令之。於司寇縣書。則亦縣之於門閭。及都鄙邦國。刑者王政所重。故屢丁寧焉。

按立法公布不特可鞏固人民權利義務且可免官吏舞弊與國家政治最有關係。惟公布規則各國不同。有朗讀公布。登錄公布。揭示公布。回達公布。配達公布。公報公布。各國於公布法律最爲注意。誠以雖有良法公布不善。卽阻効力。論者執民可使由不可使知之說。謂吾古時立法多不公布。是大不然。太宰布治。太司徒布教。大司馬布政。大司寇布刑。非公布乎。且每於歲首又書而縣之。象魏聚觀。萬民挾日。乃歛丁寧之意。至爲敦切。故古者立一法卽行一法。非如今日立一法也。公布之卽爲了結。法之能行與否。不計也。法之不行。公布之未能周密。亦其原因之一。周官之公布。又豈今日各國所能及哉。

第四節 行政

太宰以八則治都鄙。一曰祭祀以馭其神。二曰法則以馭其官。三曰廢置以馭其吏。四曰祿位以馭其士。五曰賦貢以馭其用。六曰禮俗以馭其民。七曰刑賞以馭其威。八曰田役以馭其衆。

以八統馭萬民。一曰親親。二曰敬故。三曰進賢。四曰使能。五曰保庸。六曰尊貴。七曰達吏。八曰禮賓。

以九兩繫邦國之民。一曰收以地得民。二曰長以貴得民。三曰師以賢得民。四曰儒以道得民。五曰宗以族得民。六曰主以利得民。七曰吏以治得民。八曰友以任得民。九曰薮以富得民。

元謂利讀如上。思利民之利。謂以政教利之。吏謂小吏在鄉邑者。友謂同井相合耦耨作者。

然後施典于邦國。而建其牧。立其監。設其參。傳其伍。陳其殷。置其輔。施則於都鄙。而建其長。立其兩。設其伍。陳其殷。置其輔。施法於官府。而建其正。立其貳。設

其攷。陳其殷。置其輔。州長謂之牧。所謂八命作牧者。監謂公侯伯子男。各監一國。參謂卿三人。伍謂大夫五人。鄭司農云。殷治律輔。爲民之平也。元謂殷衆也。謂衆庶士也。王制上士二十七人。其中士下士。各居其上之三分。輔府史庶人在官者也。長謂公卿大夫兩。謂兩卿正。謂冢宰司徒宗伯司馬司寇司空也。貳謂小宰小司徒小宗伯小司馬小司寇小司空也。考成也。佐成事者。謂宰夫鄉師肆師軍司馬士師也。

凡治以典待邦國之治。以則待都鄙之治。以法待官府之治。以官成待萬民之治。以禮待賓客之治。

凡邦之小治。則冢宰聽之。待四方之賓客之小治。大事決于王。小事冢宰專平。

歲終。則令百官府各正其治。受其會。三歲則大計羣吏之治而誅賞之。事久則聽之。大無功不徒廢。必罪之。大有功不徒置。必賞之。

小宰以官府之六職辨邦治。一曰治職以平邦國。以均萬民。以節財用。二曰教職以安邦國。以甯萬民。以懷賓客。三曰禮職以和邦國。以諧萬民。以事鬼神。四曰政職以服邦國。以正萬民。以聚百物。五曰刑職以詰邦國。以糾萬民。以除盜賊。六曰事職以富邦國。以養萬民。以生百物。

小宰以官府之八成經邦治。一曰聽政役以比居。二曰職師田以簡稽。三曰聽閭里以版圖。四曰聽稱責以傅別。五曰聽祿位以禮命。六曰聽取予以書契。七曰聽賣買以質劑。八曰聽出入以要會。稱責謂貸予。傅別謂券書也。

以聽官府之六計。弊羣吏之治。一曰廉善。二曰廉能。三曰廉敬。四曰廉正。五曰廉法。六曰廉辨。聽平治也。平治官府之計有六事。弊斷也。既斷以六事。又以廉爲本。

大司徒之職。掌建邦之土地之圖。與其人民之數。以佐王安擾邦國。以土均之法。辨五物九等。制天下之地。征以作民職。以令地貢。以斂財賦。以均齊天下之

政乃分地職。奠地祀。制地貢。而頒職事焉。以爲地法而待政令。又施十有二教焉。一曰以祀禮教敬。則民不苟。二曰以陽禮教讓。則民不爭。三曰以陰禮教親。則民不怨。四曰以樂禮教和。則民不乖。五曰以儀辦等。則民不越。六曰以俗教安。則民不愉。七曰以刑教中。則民不黷。八曰以誓教恤。則民不怠。九曰以度教節。則民知足。十曰以世教能。則民不失職。十有一曰以賢制爵。則民慎德。十有二曰以庸制祿。則民興功。世事謂士農工商之事。因教以能。不易其業。

以保息六。養萬民。一曰慈幼。二曰養老。三曰振窮。四曰恤貧。五曰寬疾。六曰安富。保息謂安之使蕃息也。

以鄉三物教萬民而賓興之。一曰六德。知。仁。聖。義。忠。和。二曰六行。孝。友。睦。婣。任。恤。三曰六藝。禮。樂。射。御。書。數。以五禮防萬民之僞而教之中。

成文法 第一篇

國法 第一章

周官法度與法美憲法之比較

小司徒之職。掌建邦之教法。以稽國中及四郊都鄙之夫家九比之數。以辨其貴賤老幼癯疾。凡征役之施舍。與其祭祀飲食喪紀之禁令。乃頒比法于六鄉之大夫。使各登其鄉之衆寡六畜車輦。辨其物。以歲時入其數。以施政教。行徵令焉。

及三年則大比。大比則受邦國之比要。大比。謂使天下更簡閱民數及其財物也。受邦國之比要。則亦受鄉遂矣。鄭司農云。五家爲比。故以比爲名。今時八月案比是也。要謂其簿。

乃分地域而辦其守。施其職。而平其政。分地域。謂建邦國。造都鄙。制鄉遂也。辦其守。謂衡虞之屬。職謂九職也。政稅也。

按共和國之行政。無論爲責任元首。責任內閣。不過執行立法者之議案。苟推行盡善。自可利國福民。緣法律議案。即國民代表所通過也。非真正民意乎。行政以民意爲歸。豈有不善之政乎。雖法律議案。須經行政元首

公布行政元首。又有提議法律案於國會之權。然究處執行地位。非主張地位。若大司徒之保息養民。小司徒之施職平政。周官盛治。固無論矣。自禮失求野。十不得一。則政存乎人。其人賢。以一人而兼立法行政。自可規模宏遠。其人不賢。以一人而握立法行政。適足蠹國殃民。此人治國。所以不如法治國之長久治安也。

第五節 司法

大司徒以鄉八刑糾萬民。一曰不孝之刑。二曰不睦之刑。三曰不婣之刑。四曰不弟之刑。五曰不任之刑。六曰不恤之刑。七曰造言之刑。八曰亂民之刑。凡萬民之不服教而有獄訟者。與有地治者。聽斷之。其附于刑者。歸于士。不服教。不厭服于十二教。貪冒者也。有地治者。謂鄉州及治都鄙者也。附麗也。士。司寇士師之屬。鄭司農云。與有地治者。聽而斷之。其地部界所屬吏共聽斷之。士謂主斷刑之官。